

Stručni susret Državne geodetske uprave Republike Hrvatske i Federalne uprave za geodetske i imovinsko-pravne poslove

29.05.2026 10:35



U Šibeniku je, u periodu od 28. do 30. maja 2026. godine, održan stručni susret Državne geodetske uprave Republike Hrvatske i Federalne uprave za geodetske i imovinsko-pravne poslove, s ciljem nastavka uspješne institucionalne saradnje, razmjene iskustava i razmatranja aktuelnih aktivnosti iz nadležnosti obje institucije.

Delegaciju Federalne uprave za geodetske i imovinsko-pravne poslove činilo je deset učesnika, na čelu sa direktorom Željkom Obradovićem, uz učešće pomoćnika direktora i drugih predstavnika Uprave. Ispred Državne geodetske uprave Republike Hrvatske susretima je prisustvovala delegacija na čelu sa glavnim

ravnateljem Antonijem Šustićem, zajedno sa saradnicima i predstavnicima DGU.

Program susreta obuhvatio je više stručnih tema i radnih aktivnosti. U okviru uvodnog dijela programa predviđeni su pozdravni govori i predstavljanje informacija o najvažnijim aktivnostima obje institucije, koje su prezentirali glavni ravnatelj Državne geodetske uprave Republike Hrvatske Antonio Šustić i direktor Federalne uprave za geodetske i imovinsko-pravne poslove Željko Obradović. Program je obuhvatio i stručna izlaganja o sigurnosti informacionih sistema u upravljanju katastarskim i prostornim podacima, višegodišnjem programu katastarskih izmjera 2021–2030, kao i implementaciji dorada informacionog sistema zemljišne knjige i katastra u Federaciji BiH.

Poseban značaj susreta ogleda se u nastavku razmjene iskustava u oblastima upravljanja katastarskim i prostornim podacima općenito, razvoja informacionih sistema, unapređenja službenih evidencija i jačanja institucionalnih kapaciteta. Kroz stručne prezentacije i diskusije razmatrani su izazovi i razvojni pravci koji su od zajedničkog interesa za obje institucije, naročito u kontekstu digitalizacije poslovnih procesa, modernizacije geodetsko-katastarskog sektora i unapređenja dostupnosti podataka korisnicima.

U završnom dijelu susreta razmatrani su zaključci i planovi dalje saradnje, uz zajedničku ocjenu da ovakav oblik direktne institucionalne komunikacije predstavlja važan mehanizam za jačanje stručne saradnje, razmjenu praktičnih iskustava i usklađivanje budućih aktivnosti u oblastima od zajedničkog interesa.

Održani susreti još jednom su potvrdili značaj kontinuirane saradnje između Državne geodetske uprave Republike Hrvatske i Federalne uprave za geodetske i imovinsko-pravne poslove. Razmjena iskustava između institucija sa značajnom praksom u razvoju savremenih geodetskih, katastarskih i prostornih informacionih sistema predstavlja vrijedan doprinos daljem unapređenju aktivnosti obje uprave, posebno u segmentima digitalne transformacije, razvoja infrastrukture prostornih podataka, modernizacije službenih evidencija i pružanja kvalitetnijih usluga korisnicima.



```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
```

```
queue: true, imagePosition: 'center', maxScaleRatio: 0, swipe: true, fullscreenDoubleTap: true,  
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',  
touchTransition: 'undefined', keepSource: false, trueFullscreen: true, responsive: true, wait: 5000,  
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',  
videoPoster: true, thumbPosition: 'center' });
```